

POSITIONES MEDICÆ.

De
COLICA,

Quas

IN CELEBERRIMA SEPTEMVIRALI AD
ALBIM ACADEMIA.

Sub Præsidio

Viri Clarissimi, Excellentissimi & Celeberrimi

DN. DANIELIS SENNERTI,

Philosoph. & Medic. Doct. experientissimi Profess. Publ.

Facultatisq; Medicæ Senioris meritissimi, Fautoris,

Præceptoris, Promotoris & Hospitis sui
æternùm venerandi,

Publicè

AMICÆ VENTILATIONI

submittit

FRIDERICUS MOLLERUS

COLONIA-MARCH.

In Auditorio Medico horis matutinis

Prid. Calend. Octobr. Anno 1625.



WITTEBERGÆ,

E Typographia CHRISTIANI THAM.

Acad. Typogr.

MAGNIFICO, NOBILI, AMPLISSIMO
ET EXCELLENTISSIMO

VIRO

DN. FRIDERICO PRVCKMANNO

J.C. CELEBERRIMO,

SERENISSIMO AC POTENTISSIMO

ELECTORI BRANDE-
BURGICO

A

CONSILIIS SECRETIORIBUS

ET

TOTIUS MARCHIÆ CANCELLARIO

EMINENTISSIMO,

DOMINO, PROMOTORI ET PATRONO
SVO MAGNO.

UT ET

CLARISSIMO ET EXCELLENTISSIMO

DN. JOHANNI MOLLERO

MEDIC. DOCT.

SERENISSIMI ELECTORIS BRANDEBURGICI
ARCHIATRO,

PARENTI SVO ÆTERNUM VENERANDO.

HOCCE GRATÆ MENTIS ET OB-
SERVANTIÆ MONUMENTUM
PONIT

FRIDERICVS MOLLERVS

COLONIA-MARCH.

AUTOR ET RE-

SPONDENS.



DE COLICA.

POSITIO I.



Afectuum sævissimarum, quæ intestina, corporis humani sentinam, in quam varii generis excrementa confluunt, infestare assolent, *Passio Colica, Iliaca, & Dolores*, qui ex vermium morfu oboriuntur, principales existunt species.

II.

Inter has enumeratas, ultimam cum non sedem obtineat Colica, nec non frequens ac gravissimus sit adfectus, adeo ut plurimi, quos affligit, manus violentas sibi inferre malint, quam tantos dolores sustinere: Laterem me loturum haud spero, si in tam sævientis hostis naturam inquirere, & quomodo ab ejus vi & truculentiâ vindicari possimus, operam navavero.

III.

Denominationem assumit à Symptomate dolore & eâ, quæ afficitur parte, Intestino scilicet Colo. Græcis enim dicitur κωλική ὀδύνη seu κωλικὸν ἄλγος. *Celsus morbum plenioris intestini appellat. Ab aliis Dolor intestinorum, dolor Colicus, communiter Colica nuncupatur.*

IV.

Est autem Colica dolor crassioris intestini, à solutione unitatis dependens.

V.

Ut autem natura & generatio Colicæ passionis magis sit conspicua, causæ ejus, utpote sine quarum notitia in ullius rei exactam cognitionem conscendere non valemus, erunt inquirendæ.

VI.

Quæ pro diversa ratione causandi triplices sunt: I. *Συνεκτική* seu Conjunctæ. II. *Προηγούμεναι* seu Antecedentes. III. *Προκαταρκτική* sive primitivæ.

VII.

Causa *συνεκτική* seu Proxima, est Solutio continui: Ubi enim dolor, ibi Solutio Continui: ubi Solutio Continui ibi dolor.

VIII.

Quæ quidem causæ, continuum dum solvunt, non uno, sed duplici modo id præstant, vel vellicando vel distendendo.

IX.

Nec materia est una atque eadem. Sæpè etenim hujus doloris causa existit flatus in intestino copiosior congestus, si propter obstructionem à fecibus induratis exsiccatisque, aut aliis de causis liber exitus ipsi non pateat. Tunc enim intestinum distendit ac divellit immenso & immani cruciatu, magnoque doloris sensu.

X.

Hic quoque locum sibi vendicat bilis retenta, quæ in Intestinorum tunicis ac vasis hæret. Hæc etiam in

in causa est, ut sæpe numero Colica in Paralyfin aut Epilepsiam degeneret.

XI.

Interdum in Coli intestini cellulis ad ipsius latera positis excrementa retinentur, siccantur & cumulantur: quæ non solum gravando & distendendo, sed & liberum excrementorum transitum impediendo colicos dolores inferunt: Præbent nonnunquam occasionem hisce doloribus corpora dura, in hisce sedibus retenta: vel duri fructus, (ut Castanæ,) è quorum largiore usu Colicos dolores aliquoties natos scribit Plater. de ventr. dolor. cap. 13. Idem meminit officulorum è pedibus gallinarum coctis, à muliere quadam devoratorum; quæ cum in Intestinis per multos annos hæssent, & hanc passionem excitassent, tandem Clystere infuso magna copia rejecta fuere. Et à pituita concreta Colon adeò infarctum, ut pene unitum videretur, easdem obstructions colicosq; inde dolores natos procreasse, sectione se invenisse fatetur Fernel. de part. morb. & sympt. l. 6. c. 10.

XII.

Apta est ad gignendos hosce dolores Inflammatio à sanguine venarum mesaraicarum eò loci, seu ob copiam, seu ob tenuitatem effuso, orta.

XIII.

Vermes Colicam generare posse probat Forest. l. 21. obs. 4. ubi facit mentionem rustici cujusdam, qui in passione Colica ultra 30. vermes ejecit, quem paulò post pristinae sanitati restituit.

XIV.

Ex his facile, quæ causæ *αετιολογία* seu Antecedentes sint, patebit.

XV.

αεκατηρικη, Inconveniens sex rerum non naturalium usus: Ut sunt Aer frigidior, usus ciborum crassorum ac qui difficilis sunt digestionis & ad diendos flatus apti; ut pisces viscerati, Anguillæ, fungi, fabæ, rapa. Item caro bovina & fumo indurata: Potus aquæ frigidior, mustum, exercitium, quies, somnus & vigilia modum excedentia, retentio excrementorum alvi.

XVI.

Causis investigatis, recto tramite ad huius morbi differentias gradum facimus. Desumuntur autem hæ à Subjecto, Causâ Efficiente, atq; Adjunctis.

XVII.

A Subjecto, ut dolor sentitur vel in reliquis Intestinis simul, vel in Colo tantum. Si dolor in tenuibus fuerit, propriè *Iliacus*: si in Colo *Colicus* appellatur. Præ cæteris verò omnibus afficitur Colon.

XVIII.

Ratione Cause producentis hunc adfectum, peti possunt vel ab humore pituitoso, bilioso, flatibus, Inflammatione, Grumo Sanguinis & Calculo, nonnunquam à vermibus.

XIX.

Hinc duæ præcipuè constituuntur Passionis Colicæ species, *Humoralis* & *Flatulenta*.

XX.

Humoralis, quæ ab humore in Intestinis coercito provenit. Isq; Humor est Crassus, viscidus & frigidus, interdum acris, salsus & mordax.

XXI.

XXI.

Flatulenta verò Causam sibi quærit Flatus frigidus & crassos, in Intestinis detentos, & violento motu exitum quærentes. Hæc species ut gravissima ita non rarissima existit.

XXII.

Quandoque etiam Colica epidemia esse solet, ut *Ægineta* lib. 2. cap. 18. & 43. & *Avicen.* l. 3. Fen. 16. c. 6. & *Clariss. Dn.* Præses in sua praxi facit mentionem hujus mali, quod anno Sexcentesimo vigesimo primo in Silesia in Ducatu Teschinensi fuit grassatum, ortum habens ab acribus malignis & contagiosis humoribus. Cujus historiæ uberior explicatio ibidem habetur.

XXIII.

Fit quoq; Colica vel per *ἰδιοπάθειαν* seu Essentiam, vel per *συμπάθειαν* seu consensum.

XXIV.

Per *ἰδιοπάθειαν* cum in ipso intestino materia generatur, quando scilicet ipsum Intestinum laborat intemperie, sive frigida, sive calida, sive sicca, humida verò nunquam.

XXV.

Per *συμπάθειαν*, si nimirum ventriculus humores & flatus generet: aut epar & lien materiam ad intestina propellant: aut ab utero: vel à toto corpore. Ex. g. in febribus, ubi humores ex venis ad Intestina trunduntur.

XXVI.

Respectu vero Adjunctorum differt: quod dolor sit alius Intensior: alius remissior, pro diversa causarum ratione.

XXVII.

XXVII.

Deinde dolor alius est Continuus; alius intermittens: interdum mobilis, interdum fixus, ac si palus in parte esset infixus, habetq; nonnunquam febrilia Symptomata, ipsamq; febrem comitem.

XXVIII.

Absolutis Differentiis, signa considerata nobis veniunt. Sunt autem illa vel **DIAGNOSTICA** vel **PROGNOSTICA**.

XXIX.

Diagnostica nobis vel affectum ipsum, vel partem affectam monstrant apertè; & eundem à vicinarum partium doloribus discernunt: vel nos in causarum cognitionem deducunt.

XXX.

Colica igitur *Passionis signa Patbognomonica sunt*: Sensus doloris vehementissimi; nunc sentitur fixus, nunc vagus & tensivus, inprimis in parte sinistra in inguine sinistro, ubi Colon angustius redditur; Continua adest nausea, ructus, vomitus pituitæ & biliosorum humorum frequens, flatuum suppressio.

XXXI.

Sunt & alii insuper cruciatus, qui similitudine & vehementia Colicam æmulentur, sedem verò suam non fixerunt in Colo, sed in Peritonæo vel in membranis, quæ abdominis ventrisq; partibus obtenduntur. Hi sanè sunt gravissimi ac diuturni, & cum neque medicamentis neque aliis præsidiis, quibus veri dolores Colici, leniri queant, in siccum hydropa non rarò firmantur Hipp. II. Aphor. Sect. IV.

XXXII.

XXXII.

Succedunt febribus diuturnis & morbis biliosis, solentq; continuæ & tertianæ febres, frequentissimè verò quartanæ hisce doloribus finiri. Fernel. lib. 6. de part. Sympt. & morb. cap. 10.

XXXIII.

Reliquæ consimiles species sunt, *dolor Uterinus, Iliacus, Nephriticus*, qui accuratissimè discernendi sunt.

XXXIV.

Ab Uterino dolore Colicum situs facilè distinguit; Ille etenim Inguinibus & Coxis communicatur, nec supra Ilia descendit; præcessit etiam partus, vel instant menses. Accedit quoque interdum suffocatio uteri; quæ Symptomata in Colica non apparent.

XXXV.

Ab Iliaca passione differt *ratione doloris*, quod dolor colicus sit magis extensivus & gravativus, nec non speciem rei perforantis præ se ferat: *Deinde ratione loci*, dolor Colicus magis affligit infra umbilicum: Ille verò dolor in mediâ ventris regione, umbilico proxima percipitur: Est magis pungitivus, & trahit superiora membra in consensum. *Deniq; ratione Symptomatum*: Ilia cum sequuntur vomitus, palpitatio cordis, Syncope, fæda excrementorum ejectio.

XXXVI.

A Nephritico dolore, Colicum discernere non ita facilè est: & ipse Princeps Medicorum Galenus in distinguendo uno ab altero se deceptum fuisse scribit 2. de loc. aff. cap. 5. & 6. de loc. aff. cap. 2. Arbitrabatur Calculum in alterutro ureterum impactum, tantus

erat dolor perforanti rei haud absimilis: Cum vero per Clysterem excreto humore vitreo dolor statim cessaret, neque calculum doloris causam neque renes neque ureteres affectos cognovit, sed intestina, inprimis crassiora.

XXXVII.

Est autem hoc discrimen. *Dolor Colicus est pungitivus & remissior*, occupat amplum locum, sequitur ductum intestini Coli, & à dextra parte incipiens sursum ad umbilici regionem ascendit. Impossibile verò non est, dolorem à sinistra parte incipere posse. Est vagns, non fixus, à cibo maximè molestat. *Contra Nephriticus dolor est gravativus, & intensior*, locum angustum excrucians, semper est stabilis, ductum sequens ureterum, à superioribus ad Inferiores descendit partes, versus pubem, magisq; in posteriore parte continetur, adestq; flectendi & erigendi corpus impotentia. Initio urinæ tenues apparent, hinc crassescunt, ac arenulæ in conspectum progrediuntur.

XXXVIII.

Si à pituita crassa, frigida, Colicus dolor originem trahat, dolor gravissimus & pali infixi, terebræq; perforantis instar prodit, adest nausea, sitis nulla, movet pituitosos vomitus, neque ructibus, neque flatibus dolor mitigatur.

XXXIX.

Si ab humoribus biliosis & calidis proveniat: præcesserunt dispositiones biliosæ: dejicitur appetitus, sitis augetur, adest vomitus biliosus: totum corpus percipit dolorem vagum; febris quoque comitem se præbet, urinæ provenit ardor & rubor.

XL.

XL.

Flatus hunc dolorem concitasse deprehenditur ex faccum duritie, ventris tensione, & cumprimis, si causæ flatus generantes præcesserint. Sæpius hi flatus veluti rugitu murmurant, arcteque conclusi, neque ore, neque alvo erumpunt.

XLI.

Si inflammatio fuerit in Causa, indicium facit fervor, quem sentiunt ægri; aderit febris, urinæ retentio & alvi, concurrunt inane dejiciendi desiderium, sitis, vigiliæ, ciborum fastidium.

XLII.

Si à facibus progrediatur, ostendet hoc gravitas magna, distensio tanta ut dirumpi videantur Intestina. Antecessit usus adstringentium, vehemens exercitatio, aderit Epatis caliditas.

XLIII.

Si à vermibus: cognoscitur id ex ægro, si ad generandos istos fuerit pronus: maximè si ipsi vermes cum excrementorum exitu in conspectum proveniant, adsintq; alia signa.

XLIV.

Consideratis *Diagnosticis* merito subjungimus *Prognostica*; cum maximè intersit scire, Affectus hic curabilis an sit nec ne?

XLV.

Periculosum est, si totum Colon afficiatur dolore quam pars saltem: *Periculosius vero*, si in principio Coli & in Ileo dextro consistat.

XLVI.

Colica perseverans cum vomitu, sudore frigido, singultu frequente, remediis minimè cedens, letalis est.

XLVII.

Colica à pituita & flatibus proveniens, curabilis est.

XLVIII.

Colica contagiosa ferè semper existit letalis.

XLIX.

Dolor à causa biliosa pronatus, pessimus.

L.

Quo ad curationem, hæc pro diversitate causarum, diversis ac variis modis peragenda est.

LI.

Commodissimum equidem esset, ut primò causa tolleretur: Cum verò dolor interdum ita sit vehemens, ut moram non patiatur, sæpè antequam curatio, quæ causæ debetur, absolvi possit ad dolorem curatio dirigenda.

LII.

Ad dolorem autem mitigandum requiruntur *Anodyna*, quæ adhibentur, vel *Intrinsècus*, vel *Extrinsècus*.

LIII.

Intus sumitur oleum amygdal. dulc. decoctum chamæmeli, anethi. Clysteres parantur ex malva, parietaria, chamæmelo, anetho, althæa, branca ursina, fem. lini, adipe vitulino, gallinaceo, ol. anethin. Juniperi, lumbric. communi dulci, & similibus.

LIV.

Extra conveniunt fomenta ex iisdem ferè parata. Nec balnei usus hic rejiciendus; quod & ipsum dolores lenit, & ut sit efficacius herbæ prælibatæ prius in aqua coqui possunt.

L V.

Si verò *Anodyna* nihil proficiant, ad *narcotica* accedendum, præsertim cum dolor ita sit vehemens, ut Syncope vel vitæ periculum immineat.

L VI.

Si flatus hujus doloris causa existunt: fæces emolliendæ, alvus laxanda, humores educendi flatus discutiendi sunt.

L VII.

In Colica à pituita crassa & lenta, conveniunt aperta prius alvo, pituitam attenuantia, fundentia, discutientia, evacuantia.

L VIII.

Si ab humoribus acris & calidis malum originem trahat, utendum est refrigerantibus & humectantibus; alvus si subsistat, aperienda, quod humectantibus & laxantibus rectissime perficitur.

L IX.

Si ab inflammatione, sanguis affluens à parte affecta avertendus, ejusdem fervor temperandus, & id quod affluxit, discutiendum.

L X.

Possent equidem adduci nonnulla medicamenta, quæ occulta & peculiari qualitate Colicam sanare dicuntur: sed tamen cum adhuc sub judice lis sit, an dentur ejusmodi medicamenta, hac vice silentio ea prætereunda censui.

Hæc dicta sunt de Adfectu Colico in genere, specificorum remediorum sylvam Practici abunde supeditant.

Corollaria.


*An Paralysis ex Colica eadem sit cum Paralyſi ab Anti-
quis deſcripta. N.*

*An à viſc. Cua fiat ex ſanguinis ex arteria effuſione an ſo-
lummodo ex arteria dilatatione. Probatuꝝ po-
ſterius.*

An Chymica remedia ſint tuta. D.

An in febris peſtilenti Sp. ☉ uſus ſit noxiuſ. N.

F I N I S.



Præſtantis. Domino Fride-
rico Mollero Sereniſſimi, Elect. Brand. Ar-
chiatꝝ filio patriſſanti.

Molleruſ Clari ſoboleſ laudat a Parentis
Ad Patrioſ properat, ductu virtutiſ, honoreſ,
Nec cupit, ut multi, vitioꝝ labe Parentiſ
Obſcurare decuſ, Patriaſq; extingvere laudeſ:
Sed Patriuſ ſat agit decuſ ut floreſcat in ævum.
Exemplo hocce ſuo teſtatuſ reddit honoꝝ.
Maſte animo Patriæ Mollere, decuſq; Parentiſ
Evadeſ: Friderice, honoꝝ inde ſequetur, & aurum.
Dat Galenuſ opes.

Convictori & Amico

f.

MATTHIAS WINDECK

Freiſtad. Sil.

Amicissime Mollere.

U No habeas verbo: fructus fert nobile semen ;
Tu modo fac veritas non requietus agrum
Sedulus ast vertis, sparsisti & nobile semen,
Ergo tibi fructus post breve tempus erunt.

quod l. animo

precatur T.

JOH. SEVELENBERG

Lign. Siles.



— — — — — Trahit sua quemq; voluptas.

E St, quem delectat Sacri mysteria libri
Scrutari: Sunt quos Svada Themisq; juvat.
Hunc, si vel vires herbae hujus & hujus, & usu
Illarum callet mitificare febrim.

Velle cuiq; suum pulchrum est, sua quemq; voluptas

Mulcet: id exemplo tu vel AMICE probas
Haecenus Aesclepias animum coluisse per artes
Te MOLLERE juvat, juvit & usq; juvet!

Jamq; tui specimen profers, hoc publica charta
Monstrat, doctrinae symbola certa tuae.

Neu deflece viam, sed doctum scripta Galeni
Hippocratisq; Coi volve revolve manu

Fiet, Te Medico, modo coeptum opus acriter urge,
Adponet quondam Phœbus Apollo foro.

Invideat, cuicumq; libet: tu sperne malignos.

Spernere se sperni, cum satis hocce beet.

Am. Ergo F.

ANDREAS SENNERTUS Witteb. S.



